

Yungzyen——Makbug Homvan Hekyouz Maez

容县——柚果飘香游人醉

□ Linz Nanz / 林南

Bya heu raemx saw caen yinx vunz.

Yungzyen ciuhgonq heuhguh Yungzcouh, dwg diegcoj Yangz Gveifeih, gij diegok ceiigonq makbugdiengz, lij dwg gyauzyangh Guengjsae ceiq hung, gij vazgyauz, vazyzn youq rogguek caeuq gij vunz youq Yanghgangj, Aumwnz couh miz 70 lai fanh vunz.

Yungzyen dwg dieg ok vunz gvai vunz ak, bouxmizmingz ok lai. Cawz Ciuhdangz gveifeih Yangz Yivanz le, seiz Minzgoz miz 300 lai boux vunz dangbing caeuq guh hak gvaq. Lij miz dieggaeuq aenyiuz cwnzgvanh Ciuhdangz Ciuhsung doenghij dieg mizmingz neix dem. Dieg neix ok gak cungj dwzcanj cizlieng ndei, lumj makbugdiengz, maknganx, laehcei, seireh, ywfuk caeuq gaeqsamvuengz Yazzenh daengj. Ndawde, makbugdiengz youq ndaw guek caeuq guekrog gig mizmingz, youq bak bi gonq couh

gunghawj Genzlunz vuengzdae q gwn, doeklaeng Genzlunz vuengzdae maij gwn dangqmaz, ndigah dajciengj hawj aen coh——makbugdiengz. Daj seizhaenx hwnj, makbugdiengz Yungzyen couh baenz gunbinj, okmingz gwnzbiengz.

Yungzyen swngdhai vanzging gig ndei, daengx yienh ndoengfaex goemqew daengz 68%, daj ciuhgeq gvaqdaeuj couhdwg gizdieg souhyienz, bi 2011 daengx yienh miz vunzlaux bak bi 91 vunz, fanh boux vunz ndawde couh miz 1.1 boux; miz vunzlaux 80 bi doxhwnj 14923 vunz, bak boux vunz ndawde couh miz 1.81 boux, ndigah bihaenx ndaej soengq hawj aen baizbenj “gizdieg souhyienz Cungguek”.

Yungzyen mboujdan dwg dieg mizmingz miz daegsaek, gij swhyenz lijyouz de hix cibfaen lai. 1999 nienz, Yungzyen ndaej lied haeuj

Guengjsae 15 aen yienh cungdenj lijyouz ndawde aen ndeu, hix dwg gij ginggih cujyau Yilinz Si. 2005 nienz 7 nyied ndaej aen cwnghauh “aenyienh gig ndei lijyouz Guengjsae”, baenz Guengjsae aen yienh dog ndaej guekgya 4A gaep lijyouzgi. Yungzyen lij miz aen ginggih lijyouz “sam mingz”, dwg youz aen ginggih Cinhvujgwz, aen ginggih Ranzcoj Gveifeih caeuq aen ginggih Byaduhgyauz sam aen ginggih mizmingz neix gyoebbaenz, gingjsaek daegbied yinxvunz, hawj gyoengq hekyouz ndaw guek rog guek gig haengjgyaez bae youz cet.

Seizcou, gij heiq makbug hom yinx ndaej hekyouz maez. Yungzyen moix bi banh “ciet vwnzva caeuq lijyouz makbugdiengz”, hozdung gig ndei yawj, gigwn feih ndei caemh-caiq miz daegsaek bonjdieg, engq yinx hekyouz.



▲ Baijyienj yiengh Gveifeih dauqma ranzmbanj.



▲ Vunzmbanj dangdieg mbaetsou makbugdiengz.




▲ Dieggingj ranzgaeuq Gveifeih caen gvaendei.

◀ Byaduhgyauz yiengh gyaendei.



▲ Baengzyoux guekrog cimz gwn makbugdiengz haenh ndei gwn.



▲ Ginggih Cinhvujgwz hekyouz lai.



▲ Gingj gyaeu lumj diegsien.



▲ Byamuenghvunz gingj ndei yinx vunz.



▲ Hekyouz bae ndaw suen mbaet makbugdiengz.